

新纂雲南通志

第五
卷十
冊

新纂雲南通志卷四十目錄

地理考二十

城池一

周

漢

蜀漢

晉

隋

唐

宋

元

明

宋

惠

朝

晉

國

英

國

越並一

世堅卷二十

陳蔡雲南版志卷四十目錄

新纂雲南通志卷四十

地理考二十

城池一

雲南各地城池遠溯於莊蹻之世蓋設治之初其建置必以城池爲首近世雖戰術日精金城湯池似爲無用然如遇盜賊嘯聚四出劫掠僻居村落者猶將恃城池以自固是城池仍不容全廢茲本舊志詳考歷代舊城及清代省府州縣各城民國後所修築者亦漸有增入俾資稽考云

周

苴蘭城 一名穀昌在昆明縣北十餘里楚莊蹻築

明一統志

穀昌廢縣一

名苴蘭城在昆明縣北七里莊蹻王滇時築漢置縣後廢址尙存

雍正志

漢

建伶故城

在雲南府西北漢縣屬益州郡

清一統志

在昆明縣西北八十

里

雍正志

秦臧故城

在富民縣漢置屬益州郡

清一統志

在昆明縣西五里

雍正志

滇池故城

在晉甯州東漢置屬益州郡

明一統志

在晉甯州東十五里

雍正志

賁古故城

在建水州東三十里漢置縣屬益州郡

雍正志

曲江故城

在建水州北八十里臨曲江有二城一築於漢一築於

蒙氏址存

雍正志

祿匡城

新興州西南有祿匡城相傳漢時築

明一統志

在新興州西南十

五里俗名西古城漢時築元梁王重繕駐兵

雍正志

昌人城 新興州南有昌人城相傳漢時築在新興州南十里俗名

高倉古城一名南古城漢時築元梁王重修駐兵

徽州府志

玉乞城 在舊研和縣相傳漢時築

明一統志

在新興州南三十三里故研

和縣東玉乞山麓

徽州府志

河頭城 在路南州北八十里舊邑市縣漢築

明通志

新豐廢城 石城南面有新豐川漢南甯州新豐縣故地也廢牆塹

猶在

樊緯
蠻書

蜀漢

趙州諸葛城 在趙州東南彌渡市北武侯築

雍正志

賓川諸葛城 在賓川州西二里虎踞山相傳爲武侯駐兵處

雍正志

甯州古城 有二一在甯州南里許一在路居相傳武侯所築

臨安府志

大姚武侯城 在大姚縣西馬鞍山麓爲武侯南征駐師之所今鐵

椿尙存

雍正志

新興諸葛城

在新興州南安哨山頂有石城

澠江府志

南甯諸葛城

石城川味縣故地也貞觀中爲郎州開元初改爲南

甯州州城即諸葛亮戰處故城也城中有諸葛亮所撰文立二碑

背上篆文曰此碑如倒蠻爲漢奴近年蠻夷以木搯挂

樊綽蠻書

在曲靖

府西十五里平川中舊名共範川今其地名三岔故城遺址尙存

清一統志

保山諸葛城

永昌城西邊大洞川亦有諸葛武侯城城中有神廟

土俗咸共敬畏禱祝不闕蠻夷騎馬遙望廟即下馬趨走又龍尾

城西第七驛即永昌也昔諸葛征永昌於此築城今江西山上有

廢城遺跡

樊綽
蠻書

在高崙山分水嶺舊傳諸葛運鬼工一夜而成者

永昌府志

武定諸葛城

在和曲州東二里相傳諸葛武侯曾駐兵於此今城

址尚存

雍正志

晉

天女故城

在晉甯州西五里

雍正志

晉太興初甯州刺史李毅之女秀

代父領州時所築

明一統志

隋

史城

南詔至異牟尋又遷於喜郡史城

元史地理志

在太和縣北四十里

隋開皇中史萬歲駐師於此故名元初置喜州今其地名喜洲村

址存

雍正志

晉甯古土城

在晉甯州西北五里

雍正志

隋刺史梁毘築有九門十二

衢今廢

明一統志

周圍七里

晉甯州志

唐

曲州靖州廢城

石門外第九程至魯望即蠻漢兩界舊曲靖之地

也曲州靖州廢城皆在

樊綽蠻書

靖州故城在南甯縣南十五里唐置俗

名南城址尙存

雍正志

蒙舍城

貞元十年南詔攻施蠻城邑虜其王尋羅并宗族置於蒙

舍城養給之

樊綽蠻書

白崖城又七十里至蒙舍城自蒙舍城八十里至

龍尾城

唐書地理志

蒙化即蒙舍故都唐初建甯國王張樂進求遜位於

蒙氏號蒙舍詔其地在南又稱南詔尋築蒙舍城居之

楊慎演載記

在蒙

化府北十里元改置蒙化州於此

清一統志

在蒙化府北十五里古城村

張氏讓國蒙詔築城以居今舊址尙存

雍正志

金城 阿葛城 嵩明漢人嘗立長州築金城阿葛二城蒙氏興改

爲嵩明部

元史地理志

舊金城在嵩明州西南

清一統志

在嵩明州城內黃龍山

昔時漢夷雜處漢人築城居焉址存

雍正志

道光志案雲南府志以爲漢時築蓋以漢夷之漢爲南漢誤

絳縣故城 在江川縣南四里唐貞觀八年置黎州領縣二絳其一

也又名碌雲異城蒙氏時白蠻居之至段氏時爲摩些徒蠻所據

更名步雄部元初置千戶所至元中改江川州尋降爲縣明崇禎

七年遷縣治於江川驛舊城址存

雍正志

馬舉龍城 一名黎灤城烏蠻酋步門步末始築馬舉龍城號黎灤

甸元至元中立黎灤千戶所

明一統志

黎灤城在富民縣東三里元置千

戶所於此

雍正志

求州故城 在新興州綦盤山有故址唐置求州疑即此

歙江府志

鏡州故城 在雲南縣西南土城遺址尙存唐置隸戎州都督府

清一統志

在雲南縣西北十餘里

雍正志

在今高官舖唐永徽間置僅存西南二

方

雲南縣志

隴汧圖山城 奇王蒙氏始唐高宗永徽三年乃建都蒙舍築城龍

圖山

阮元聲南詔野史

在蒙化府西北隴汧山周圍四百餘丈昔細奴邏築此

城以居今尙有所遺石柱又府東梅子箐山頂有城基周圍十六

門其規模又倍於隴汧焉

雍正志

又有貝忙山後城在府境有十六門

制如太和城

清一統志

勃弄故城 在雲南縣東一百里唐志匡州縣勃弄匡州故城今大

波那等村是其遺址

清一統志

在縣東南即唐置匡州勃弄縣處址猶存

雲南
縣志

姚州古城

在州北唐景雲元年御史李知古築

姚州志

景雲元年姚州

羣蠻先附吐蕃攝監察御史李知古發兵擊之既降又請築城

資治通鑑

拓東龜城

在昆陽州北平定鄉唐開元間南詔盛羅皮遣張建成

入朝時築

雍正志

開元初威成王冊楊道清爲顯密圓通大義法師塑

大靈土主天神聖像曰摩訶迦羅築滇之城以龜其形五年龜城

完復塑二神一鎮龜城之頂一鎮城之南

張道宗記古滇說

悶依土城

在易門縣西一百里祿益山相傳爲鄯闡邊戍之所

雲南府志

大釐城

南去陽苴咩城四十里北去龍口城二十五里邑居人戶

尤衆盛羅皮多在此城并陽苴咩并潯川今竝南詔往來所居也

樊綽蠻書

開元末皮羅閣逐河蠻取太和城又襲大釐城守之

唐書南蠻傳

唐置

澄川州治大鰲蒙氏襲而奪之後改德源城至元十一年改德源

城爲澄川州

元史地理志

德源城在鄧川州東一名大鰲城

清一統志

在鄧川州

東北十二里昔鄧臉詔居之南詔既併鄧臉其妻慈善不屈死南

詔旌其城曰德源

雍正志

鄧川東十里鄧臉詔之妻名慈善者因召夫

被殺慈善築城負固之南詔神武王親率兵欲妻之慈善堅執不

從誓曰一女不更二夫乃據城以自守王領兵因攻之不克慈善

卒王嘉其節賜號德源城

張道宗記古滇說

太和城

北去陽苴畔城一十五里巷陌皆壘石爲之高丈餘連延

數里不斷城中有大碑閣羅鳳清平官王蠻利之文論阻絕王化

之由受制西戎之意開元二十五年蒙歸義逐河蠻奪據太和城

樊緯
蠻書

太和城去龍尾城十里

唐書地理志

開元末

道光志案資治通鑑作開元二十六年滇載記作開元十六年

皮羅閣逐

河蠻取太和城天子詔賜皮羅閣名歸義册爲雲南王於是徒治

太和城閣羅鳳北臣吐蕃侍御史李宓討之宓敗於太和城南蠻傳開

元十八年南詔蒙歸義築大和城二十七年遷都太和城南詔野史南詔

尋閣勸以鄯闡爲東京以太和爲西京滇志在太和縣南十五里今

名太和村址存雍正志城周十餘里大理府志

龍口城 盛羅皮取太和城仍築龍口城爲保障龍口城閣羅鳳所

築縈抱玷蒼南麓數里城門臨洱水下河上橋長百餘步過橋分

三路直南蒙舍路向西永昌路向東白崖城路樊綽蠻書

矣苴和城 施望欠與豐咩咩羅皮同伐蒙歸義皆敗潰退保矣苴

和城樊綽蠻書

澄川城 舊澄川也南去龍口城十五里初望欠部落居之後浪穹

詔豐咩襲而奪之豐咩孫鐸羅望與南詔戰敗退保劍川南遂有

城城依山足東距瀘水北有泥沙自閣羅鳳及異牟尋皆填固增

修最為名邑東北有史郎川又東祿諾品川又北俄坤

樊綽
蠻書

安甯舊城

後漢元鼎二年伏波將軍馬援立銅柱定疆界之所

道光
志案

後漢無元鼎年號馬援立銅柱
事在光武建安十九年此誤

去交趾城池四十八日程漢時城壁尚存碑銘竝

在

樊綽
蠻書

拓東城東八十里至安甯舊城

唐書地
理志

有兩爨大鬼主崇道者

與弟日進日用居安甯城左聞章仇兼瓊開步頭路築安甯城羣

蠻震懼共殺築城使者元宗詔蒙歸義討之天寶七載詔特進何

履光以兵定南詔境取安甯城及井

南蠻
傳

在今安甯州治南

清一
統志

和子城

唐蒙舍詔閣羅鳳合六詔為一侵俄碌取和子城今鎮南

州是也

元史地
理志

在鎮南州東一里

古今圖
書集成

在鎮南州東二里

雍正
志

雞和城 鎮南州在威楚路北昔樸落蠻所居川名欠舍中有城曰

雞和至唐時蒙氏併六詔征東蠻取和子雞和二城置石鼓縣元史地理

志

石鼓城 在鎮南州東三十里蒙氏取雞和城置此縣明一統志在鎮南州

東二十里蒙氏征東蠻時置今廢

楚雄府志

龍和故城 在南甯縣西南十五里唐開元中南詔閣羅鳳遣楊牟

利以兵脅西蠻徙戶二十餘萬於永昌東蠻以言語不通得不徙

自曲靖州石城升麻昆川南北至龍和皆殘於兵

雍正志

石和城 渠斂趙本河東州也西巖有石和城烏蠻謂之土山坡陀

者謂此州城及太和城俱在坡陀山上故也州中列樹夾道爲交

流村邑連薹溝塍彌望大族有王楊李趙四姓皆白蠻也云是沮

蒲州人遷徙至此因以名州焉東北至毛郎川又東北至賓居湯

又北至越析川摩些詔故地也

樊綽
蠻書

施浪詔之裔據石和城閣羅鳳

攻虜之

南蠻
傳

在浪穹縣西北十五里

雍正
志

施浪因勢孤弱令族人施各

皮據石和城互爲羽翼

諸葛元
聲滇史

羅魯城

劍川縣治在劍川湖西夷云羅魯城

元史地
理志

在劍川州南十

五里唐時築今名瓦窰村

雍正
志

羅魯蠻云海也元宗時浪穹詔鐸羅

望與南詔兵戰不勝挈其部退保遷義督羅魯城

劍川
州志

石橋城

天寶七載閣羅鳳攻石橋城

樊綽
蠻書

雲南城

天寶中閣羅鳳所規置也嘗爲信州地城池郭邑皆如漢

制州中南北二十餘里東西四十五里帶邑及過山雖有三千餘

戶田疇多廢間里少人諸葛亮分永昌東北置雲南郡斯即其故